

ARQUIVO

CONCELLO DE REDONDELA


U.I. / N° Expte:

8.000 / 3



CONCELLO DE REDONDELA
Pontevedra







NUMERA
PORACIÓ
LOCAIS



NUMERADO
PORACIONES
LOCAIS



(Sinatura do Presidente)

Folio N.º

Serie A N.º 1179708

DILIXENCIA DE APERTURA

Para facer constar que para o presente **Libro de Actas do Concello Pleno**, adquiríronse 142 Folios de Papel Timbrado da Comunidade Autónoma de Galicia, Serie A, N.º 1179708 ó 1179849, numerados correlativamente do folio 001 ó 142, e que a transcripción das Actas comeza na volta do folio N.º 001, e corresponde á sesión celebrada con carácter extraordinaria o día 30 de Xaneiro de 2013.

Redondela, 30 de Xaneiro de 2013.

A Secretaria Xeral

Ana Begoña Merino Gil

SESIÓN EXTRAORDINARIA CELEBRADA POLO PLENO DO CONCELLO O DÍA 30 DE XANEIRO DE 2013

ORDE DO DÍA

ÚNICO: ADOPCIÓN DE ACORDOS SOBRE SOLIDARIEDADE DO CONCELLO DE REDONDELA COA PLATAFORMA DE AFECTADOS POLAS PARTICIPACIÓNS PREFERENTES E OBRIGAS SUBORDINADAS.

No Multiusos da Xunqueira de Redondela, sendo as vinte horas do día trinta de xaneiro de dous mil trece, baixo a Presidencia do alcalde JAVIER BAS CORUGEIRA e a asistencia dos/as concelleiros/as: MIGUEL ANGEL ALVAREZ BALLESTEROS, JOSÉ ALBERTO PAZOS COUÑAGO, ANA MARÍA ALONSO ALONSO, JESUS CRESPO LÓPEZ, MARÍA JOSÉ BARCIELA BARROS, HERMINDA QUELLE FERNÁNDEZ, ARTURO GONZÁLEZ BARBEIRO, CÁNDIDO VILABOA FIGUEROA, EDUARDO JOSÉ REGUERA OCAMPO, LUIS ALBERTO ORGE MÍGUEZ, DIGNA ROSA RIVAS GÓMEZ, ANTONIO CABALEIRO MILLARES, LETICIA GÓMEZ GUISANDE, LEONARDO CABALEIRO COUÑAGO, ANTONIO VÁZQUEZ SACO, JOSÉ GARCÍA MÍGUEZ, CECILIA PÉREZ ORGE, XOÁN CARLOS GONZÁLEZ CAMPO, e JORGE VARELA COUÑAGO.

Tamén asistiu a interventora acctal. do Concello MARÍA EMILIA GARCIA MANEIRO, actuando como Secretaria a Secretaria Xeral da Corporación ANA BEGOÑA MERINO GIL, constitúese o Pleno do Concello, en sesión extraordinaria, conforme á convocatoria e de acordo coa Orde do Día.

INCIDENCIAS.-

Non asiste, escusando a súa ausencia, a concelleira MARÍA TERESA PARÍS BLANCO

Con carácter previo ao tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.-

A Presidencia declara aberta a sesión, en primeira convocatoria, procedéndose a tratar o único asunto da Orde do Día.-

ANTECEDENTES:

PROPOSTA DE MOCIÓN AO PLENO DO CONCELLO DE REDONDELA, DA PLATAFORMA DE AFECTADOS POR PARTICIPACIÓNS PREFERENTES E OBRIGAS SUBORDINADAS

A plataforma de Redondela SOLICITAMOS ao Concello de Redondela o seu apoio e solidariedade coas persoas afectadas polo problema da comercialización negligente das Participacións Preferentes e Obrigas Subordinadas, feita polas caixas de aforro integradas en NCG Banco, así como o seu desexo de que recuperen, canto antes, os seus aforros, dos que son únicas e lexítimas propietarias.

O Pleno do Concello de Redondela vén solidarizarse, por medio desta moción, coa PLATAFORMA DE AFECTADOS POR PARTICIPACIÓNS PREFERENTES E OBRIGAS SUBORDINADAS DE REDONDELA, así como co seu obxectivo principal: a defensa dos dereitos e intereses dos pequenos aforradores de Redondela e comarca (Soutomaior, Pazos de Borbén e Fornelos de Montes), aos que, a través do engano, da ocultación de información e do aproveitamento da relación de confianza existente, lles venderon produtos financeiros inadecuados á súa condición de aforradores.

As Participacións Preferentes e Obrigas Subordinadas foron comercializadas para as persoas que eran pequenas aforradoras, ocultándolles información e, na maioría dos casos, facéndolles crer que se trataba de produtos seguros, identificados coma depósitos a prazo fixo, e sen facelas partícipes dos riscos inherentes a este tipo de produtos financeiros e recuperables en calquera momento.



(Sinatura do Presidente)

Folio N.º

Serie A N.º 1179709

A negligente comercialización de Participacións Preferentes e Obrigas Subordinadas foi recoñecida pola propia entidade financeira que, a través dun folleto repartido nas súas oficinas, facía un recoñecemento público dos seus erros, solicitando o perdón ás persoas afectadas, e comprometéndose a buscar unha solución. Transcorridos moitos meses dende o comezo do conflito, as persoas afectadas seguen a agardar pola solución comprometida pola entidade, sen ter resposta ata o día de hoxe.

O certo é que estas persoas vense privadas dos seus aforros no momento en que máis necesidade teñen deles. A situación de crise que esta a vivir o país esta levando a que as familias afectadas, privadas dos seus aforros e, en moitos casos, con parte dos seus membros en situación de desemprego, se atopen nunha situación desesperada, que require dunha resposta a curto prazo que supoña un alivio para un padecemento inxusto e inxustificado. Asemade, atendendo as xustas demandas dos afectados, entendemos que deben depurarse, no eido xudicial, as responsabilidades dos altos cargos directivos que se deriven da negligente comercialización de Preferentes e Obrigas Subordinadas, instando aos poderes públicos a tomar as oportunas medidas para esclarecer as responsabilidades derivadas dos actores principais do masivo engano perpetrado contra os aforradores galegos, e que devolvan as indemnizacións e paguen aos afectados.

Ata o momento, a única fórmula ofertada para a resolución da comercialización negligente de Participacións Preferentes e Obrigas Subordinadas, foi a Arbitrase de Consumo, motivo polo cal as persoas afectadas necesitan da garantía de resolución de todas as arbitaxes pendentes ata o final e garantía de transparencia do procedemento, facendo públicas as resolucións ditadas para coñecer os criterios ou perfís dos afectados.

Nestes intres e, toda da vez que a entidade NGB, depende integramente do FROB, máis que nunca, a solución a esta problemática é política.

Por todo o exposto, a plataforma de Redondela solicita que todos os grupos representados na Corporación Municipal de Redondela tomen o seguinte ACORDO:

1º.- Que a Xunta de Galicia presione ao FROB e ao Goberno de España para que dite a resolución que proceda pola que se estableza a devolución de todas as cantidades depositadas en Participacións Preferentes ou Obrigacións Subordinadas dos clientes de NCG Banco, no prazo máximo de 6 meses, ao recoñecer publicamente o goberno galego e NCG Banco a mala praxe na comercialización deste produtos aos pequenos aforradores.

No caso de que o punto 1º sexa contrario a Lei, pedimos o seguinte:

1. Instar ao Banco de España, ao Ministerio de Economía, á Comisión Europea e ao FROB, Xunta e NCG Banco a que se continúen resolvendo, a través da Arbitrase de Consumo, todas as reclamacións presentadas en relación á comercialización de Participacións Preferentes e Obrigas Subordinadas por NCG Banco, ata a resolución definitiva de todas elas e se de contestación a todas as solicitudes presentadas.

2. Instar á Xunta de Galicia para que proceda á publicación de tódalas resolucións ditadas no Arbitrase de Consumo (ao igual que son públicas as resolucións xudiciais) a fin de facer públicos os criterios ou perfís que se tiveron en conta, ata o momento, para a devolución dos aforros aos afectados.

3. Instar ao FROB, ao Banco de España, ao Ministerio de Economía e á Comisión Europea a que as persoas posuidoras de Participacións Preferentes e Obrigas Subordinadas de NCG Banco non teñan que sufrir quitas nin trocos que non poidan ser obxecto de realización líquida inmediata.

4. Instar ao Goberno de España a que determine a non aplicación da Lei 9/ 2012 a todas as persoas afectadas pola comercialización negligente de Participacións Preferentes e Obrigas Subordinadas de NCG Banco

5. Solicitar a gratuidade dos procesos xudiciais para todas as persoas afectadas pola negligente comercialización de Participacións preferentes e Obrigas Subordinadas de NCG Banco, que se vexan na obriga de reclamar ante os Tribunais ordinarios, así como a axilizar os procesos



NUMERADO
CORPORACIÓN
MUNICIPAL DE REDONDELA

xudiciais mediante a súa tramitación como xuízos rápidos.

6. Instar ao Goberno de España e á Xunta de Galicia a que, no ámbito das súas respectivas competencias, adopten todas as iniciativas pertinentes para a devolución inmediata dos aforros ás persoas afectadas polas participacións preferentes e obrigacións subordinadas de NCG Banco.

7. Instar á Deputación de Pontevedra a aprobar, en sesión plenaria, un acordo que recolla os puntos anteriores, trasladándoo á Xunta de Galicia e ao Goberno de España.

8. A Corporación de Redondela amosa o seu apoio á manifestación organizada polas plataformas de Galicia o día 2 de febreiro en Santiago de Compostela e solicita que se estude a posibilidade de colaborar coa mesma, mediante a dotación de autobuses, postos a disposición dos cidadáns de Redondela que asistan á mesma.

INTERVENCIÓNS.-

O concelleiro Varela Couñago da lectura ao seguinte escrito:

"Vaia por diante que imos votar a favor desta moción de apoio aos afectados polas preferentes e aplaudimos o recente pacto no goberno central para buscar solución a este problema, pacto que vemos positivo, pero insuficiente. Xa se pronunciarán os afectados, pero parece que só van poder beneficiarse os casos máis extremos de engano, xa que a maioría dos afectados van perder un mínimo dun 40% dos seus aforros. Vamos, unha auténtica vergonza.

Estade seguros que este pacto chega grazas á enorme mobilización de toda esta xente que foi estafada e enganada, como sempre, a xente por diante dos partidos políticos. Sempre chegan tarde, como no caso dos desafuizamentos, que só despois de anos de protestas e suicidios, empezaron a tomarse medidas.

Parécenos moi ben que os partidos políticos en Redondela mostren o apoio aos afectados, pero as solucións non son competencia do Concello de Redondela, senón doutros parlamentos onde tamén teñen representación estes partidos. E que fixeron estes partidos onde si teñen poder para cambiar as cousas? Pois defender aos bancos antes que á xente. Resumindo:

- PSOE, BNG e PP gobernaron Galiza mentres se venderon preferentes, tanto PP como PSOE como BNG estaban nos consellos de administración das caixas de aforro galegas mentres estafaron á xente.

- ¿Que pasa cando os bancos especulan e ganan? As ganancias para eles. ¿Que pasa cando os bancos especulan e perden? Pois os gobernantes encárganse de que paguemos todos. Baixo gobernos de PSOE e PP, miles millóns de euros de axuda á banca.

-Que pasa cando a xustiza se digna a condenar a un banqueiro como Alfredo Sáez? Pois que un goberno en funcións do PSOE concédelle o indulto. E agora resulta que o goberno do PP prepara unha lei para que condenados poidan dirixir entidades. É que non teñen a mínima vergonza!

Esiximos responsabilidades a todos os actores que provocaron a situación de práctica quebra do sistema financeiro, comezando por directivos, políticos e todas as persoas que por acción ou omisión fixérona posible.

Reivindicamos os servizos financeiros como servizos sociais, e por tanto, a creación dunha banca pública potente con vocación de servizo público e con plantexamentos éticos e solidarios."

A concelleira Pérez Orge anuncia que van a apoiar a moción e quere amosar a solidariedade cos afectados que foron estafados, roubándolles os seus aforros de toda a vida. Sinala que o BNG ten demostrado esta postura en todas as institucións posibles, ata na Unión Europea, a fin de que se resolva o problema dunha vez por todas. Indica que aparte de responsables financeiros, tamén hai responsables políticos, pois estes sabendo que hai unha solución non a poñen en práctica: devolverlles os seus aforros aos pequenos e medianos aforradores. Estima que falla vontade política para afrontar o tema e que hai outras solucións aparte do arbitraxe pois seguen



(Sinatura do Presidente)

Folio N.º

Serie A N.º 1179710


 NUMERADO
 ORACIONES
 OCAIS

a reclamar a devolución íntegra do diñeiro e a este respecto avoga polo cambio do decreto que impón unha quita. Pide ao grupo popular máis esforzo para presionar ao goberno neste sentido. Apoian a manifestación do próximo día 2.

O concelleiro Orge Míguez sinala que fala como voceiro do grupo socialista de Redondela, xa que discrepan doutros plantexamentos do seu partido a outros niveis. Indica que ten que recoñecer que cando gobernou, o PSOE non foi quen de activar mecanismos de control que evitaran este grave problema. Sinala que agora o importante é atopar unha solución que pode ser distinta en Galicia con respecto ao resto do Estado, xa que aquí practicamente o 100 por 100 do perfil das persoas que compraron preferentes e subordinadas é o dos pequenos aforradores. Di que onte foron varios políticos a entrevistarse co director xeral de Novacaixagalicia pero considera que debería ser el mesmo o que fora onde os políticos para dar explicacións partindo da base que se trata dunha banca pública. Indica que non están claros os criterios do arbitraje e que o fundamental é a negociación, xa que se trata dun problema político. Dan o seu apoio ao texto íntegro da moción e á manifestación.

O concelleiro Pazos Couñago felicítase de que todos os grupos coincidan nunha cousa tan importante como apoiar a estas persoas. Indica que está claro que hai culpables e é preciso esixir responsabilidades pero que as entidades deseñaron estes produtos enganando incluso aos seus propios empregados e son os principais responsables. Sinala que o primeiro sería devolver as indemnizacións millonarias que cobraron por realizar tamaña estafa. Di que polo de agora a mellor solución que se atopou é a do arbitraje aínda que pode ser mellorable, para chegar á devolución íntegra dos seus aforros agora, posto que agora é cando os necesitan. Sinala que neste senso farán todo o que estea na súa man sen escatimar ningún esforzo.

O concelleiro Varela Couñago agradece ao voceiro socialista as súas verbas pero di que o que están a facer os dous grandes partidos non é de recibo. Sinala que non se pode aceptar que os afectados perdan o 40% dos seus aforros e que estas solucións chegan tarde, trala mobilización intensa dos afectados. Di que PP, PSOE E BNG estiveron nos consellos de administración das caixas e que é unha vergoña que se adiquen millóns a rescatar á banca. Lle parece que hai que pedir responsabilidades a todos os actores que por acción ou omisión fixeron posible esta desfeita.

A concelleira Pérez Orge di que o PP non actuou correctamente, xa que chega tarde a todo xa que os afectados poden perder o 70% dos seus aforros. Critica as actuacións do partido do goberno en relación a todo o asunto e ao propio sistema financeiro, e considera arbitrarios os arbitaxes. Non comparte a crítica xeneralizada aos políticos posto que os que se sentan neste pleno o son niada que uns e outros teñen distintas responsabilidades. A este respecto estima que o PP de Redondela debe presionar aos seus compañeiros de partido no goberno autonómico e estatal para que este drama teña solución.

O concelleiro Orge Míguez dille ao voceiro de AER que as políticas non a fan os partidos senón as persoas que están nos mesmos. Insiste en que ten que haber unha vontade política de solucionar o problema dado que se trata dunha entidade financeira pública. Nese aspecto considera que ao partido socialista somentes lle corresponde apoiar.

O concelleiro Pazos Couñago di que lle parece excesivamente cómodo que o BNG pretenda endilgarlle toda a responsabilidade ao PP xa que o BNG e PSOE formaban parte do goberno autonómico cando se estaban a comercializar estes produtos, polo que considera que poderían facer tamén un pouco de autocritica. Sinala que a arbitraje lle solucionou o problema a alomenos 12.000 aforradores aínda que admite que a solución non é perfecta. Di que escoita moito que hai solucións pero non lle dixeron cales son esas solucións. Di que farán todo o que poidan por resolver esta estafa.

O Alcalde sinala que tamén vai a estar na manifestación.

VOTACIÓN E ACORDO.-

Sometido o asunto a votación, o Concello Pleno, en votación ordinaria e por unanimidade

dos/as concelleiros/as asistentes, sendo vinte votos a favor (9 do PP, 8 do PS de G-PSOE, 2 do BNG e 1 de AER)

E, non habendo máis asuntos que tratar, a Presidencia remata a presente sesión, sendo as vinte horas e cincuenta e cinco minutos da data fixada no encabezamento, en proba de todo o que, se redacta a presente acta, da que, como Secretaria do presente acto, dou fe.-

Nº 2 /2013

SESIÓN ORDINARIA CELEBRADA POLO PLENO DO CONCELLO O DÍA 31 DE XANEIRO DE 2013

ORDE DO DIA

- 1 APROBACIÓN, SE PROCEDE, DA ACTA DA ÚLTIMA SESIÓN.
- 2 DAR CONTA DOS EXPEDIENTES DE MODIFICACIÓN DE CRÉDITO: MC1/2013 ir 1-13, MC 30/2012 tc 14-12, MC 29/12 gc 11-12, MC 28/12 gc 10-12, MC 27/12 tc 13-12, MC 26/12 tc12-12, MC 25/12 gc 9-12, MC 31/12 tc 15/2012 e MC 32/2012 tc 16/2012
- 3 DAR CONTA DO CAMBIO DE VOCEIRO DO GRUPO MUNICIPAL SOCIALISTA
- 4 PROPOSTA MODIFICACIÓN RÉXIME RETRIBUTIVO JOSÉ ALBERTO PAZOS COUÑAGO
- 5 PROPOSTA PARA A CONTRATACIÓN, MEDIANTE ARRENDAMENTO FINANCIERO (RENTING) DE TRES VEHÍCULOS PARA A POLICÍA LOCAL.
- 6 PROPOSTA DE APROBACIÓN INICIAL DA ORDENANZA DE TERRAZAS
- 7 PROPOSTA DE MODIFICACIÓN DO REGULAMENTO DO MERCADO DE ABASTOS.
- 8 ADXUDICACIÓN, SE PROCEDE, DE POSTOS NO MERCADO DE CHAPELA.
- 9 PROXECTO DE BASES PARA A CONMEMORACIÓN ANUAL DA MEMORIA DUN PERSOeiro DE REDONDELA QUE SALIENTE POLAS SUAS APORTACIÓNS NOS ÁMBITOS CULTURAL, CIENTÍFICO, FILANTRÓPICO, PROFESIONAL...ETC
- 10 APROBACIÓN PROVISIONAL DA MODIFICACIÓN DA ORDENANZA FISCAL REGULADORA DO IMPOSTO DE INCREMENTO DO VALOR DOS TERREOS DE NATUREZA URBANA NO CONCELLO DE REDONDELA.
- 11 APROBACIÓN PROVISIONAL DA MODIFICACIÓN DA ORDENANZA FISCAL REGULADORA DA TAXA POLA INSTALACIÓN E UTILIZACIÓN NA VÍA PÚBLICA DE MESAS, CADEIRAS, PARASOLES E INSTALACIÓNS COMPLEMENTARIAS QUE CONSTITÚAN ACTIVIDADE DE HOSTALARÍA CON FINALIDADE LUCRATIVA.
- 12 EXPEDIENTE DE BAIXAS NA CONTABILIDADE DE FACTURAS PRESCRITAS E ANULACIÓNS DE OPERACIÓNS CONTABLES.
- 13 ACTIVIDADES DE CONTROL DE PLENO:
 - 13.1 DAR CONTA RESOLUCIÓNS DA ALCALDÍA.
 - 13.2 MOCIÓNS:
 - 13.2.1 MOCIÓN DO GRUPO MUNICIPAL AER SOBRE OBSERVATORIO MUNICIPAL DA DISCAPACIDADE
 - 13.2.2 MOCIÓN DO GRUPO MUNICIPAL AER SOBRE O PUNTO LIMPO
 - 13.2.3 MOCIÓN DO GRUPO MUNICIPAL AER SOBRE INFORMACIÓN VECIÑAL
 - 13.2.4 MOCIÓN DO GRUPO MUNICIPAL AER SOBRE PLENOS NON REMATADOS
 - 13.3 SOLICITUDE DE COMPARECENCIAS.



NUMERACIÓN
ORACIÓN
OCAIS